



Ավետիք Իսահակյան

Էս ճամփեն ոլոր-մոլոր

Էս ճամփեն ոլոր-մոլոր,
Սև ծովի բոլոր կերթա.-
Շուշան յարս ինձի թողել՝
Էն տղի հետ ո՞ր կերթա:

Ա՜խ, ճամփեն – մահի բերան,
Օձի պես գալար կերթա.
Չոլերի մեջ, անգերեզման,
Ծովն է լալիս իմ վրա:

Մեզ արծիվը աչքս է կտցում,
Աչքս կարոտ՝ Շուշանին.
Անգութ գայլը սիրտս է հանում,
Սիրտըս ծարավ՝ Շուշանին:

Ո՛հ ճամփեն, մութ – մոլորուն,
Սև ծովի բոլոր կերթա.
Շուշան յարս ձեռքերն արյուն՝
Էն տղի հետ հարս կերթա:

1893

Պրագա